







W 787

Articulen ende Conditien

vant verdrach gesloten by zijn Princelike Exce.
en de Welghebozen Heere / Graef Wilhelm van Nassau/
by advys vande Heeren Raden van State upt naeme der
Heeren Staten Generael der vereenichde Nederlanden:
mette Stadt Groeninghen ende tGarnisoen daer
binnen gheweest hebbende opt over-
geven vander selver Stadt.

Geaccordeert den xxij. Iulij M. D. XCIV.



IN S GRAVENHAGE,
By Aelbrecht Heyndricz. Drucker Ordinaris der
Heeren Staten Generael. Met voorgaen-
de consent ende permissie.

921
46

De drucker tot den goetwilligen Leser.

Also my ter handen waren ghecomen de Articulen vant verdrach / op de welke zijn Princelijche Exce. Stadthouder van, wegghen de E. Heeren Staten Generael der ghebnieerde Provincien / met de wijt-beroemde Stadt Groeninghen gheacordeert is: heeft my ghedocht waerdich ende dienlick te wesen / tot eere deser Landen / die selue in druck wt te gheben. Erstelick op dat een yeder soude bekent werden / een so groote victorie / wesende een bandt voornaemste / der ghener / die aen onse zijde (duerende dese oorloghen) vercregen is / ende dat in so corten tijt. Want hoe wel die self de Stadt door dese geheele Provincien / ja oock by den wttheemschen bynaest voor onoverwinnelick geacht werde / is sy niettemin / in twee maenden (te weten vanden 21. Maj totten 22. Julij) op welck het accoord ghesloten is) door Godes ghenade / onghelooflijcke en ghesadighe neersticheyt en dapperheyt / goet ende gheluckich belept van zijn Exce. overwonnen ende met de ghebnieerde Landen vereenicht. Ten anderen / op dat al de werelt ende voornamelick onse wederwillighen voor ooghen moghen sien / de groote genadicheyt die aen dese zijde byde regeerringe ghepleecht wort / gantsch contrarie den bloetdorstigen en Spaenschen aert / die niet wreedicheyt / bloet / moordderp en bederffenis / alles beblecken waer sy comen. Want hoewel nu schoon de victorie in handen van de H. Staten stont / doort springhen en innemen des kavelijns den 15. Julij gheschiet / nochtans heeftmen liever de ghe woonliche ghenade willen verhoonen / en haer verdrachlike articulen toelaten / als het wterste met haer verbolghen. Het welck de ghene noch houdende mette Spaens- Ghesinde in dien sy gantsch verblindt en waeren / immers soude trefken om het Spaensche onverdrachgelicke jock af te werpen / ende de soete inghehoorne vryheyt met ons aen te nemen. In't welck so sy haer versupmen / sullen sy albereerst ghewaer worden dat het haer schadelick sal vallen. Want God de Heer byant der hooberdighen / en een vrient der ootmoedighen is / de spaensche hoberdp en aenhangende afgoderp / dagelijcx meerder schijnt te willen vernederen / en de nedericheyt / goede saeck en Godsdiens deser Nederlanden te verhoogen. Om twelck te verrijghen hem / beminde Leser / aenbidt / en alleen prijst en eere gheeft. In Crauenhaghe den 30. Julij 1594.

De Heeren Staten Generael consenteren en Octroyeren Albrecht Heindrickz. Boeckdrucker / dese Articulen en Conditien vant overgaen van Groeninghen / alleen te mogen drucken ende nientmant anders / etc. Act. 1^{re}. August. 1594.

Articulen ende Conditien vant verdrach/ ghesloten by zijn Princelicke Ex^{cie}. en de Welghebooren Heere/ Graef Wilhelm van Nassau/ by advies vande Heeren Raden van State vut naeme der Heeren Staten generael der vereenichde Nederlanden mette Stadt Groeninghen en t garnisoen daer binnen gheweest hebbende opt overgheven vander selver Stadt.

I.

In den eersten/ dat alle offensien/ injurien/ misdaden ende alle Weghen van septe en dadelijcke wercken gedaen/ gheschiet en volbracht vanden beghinne der troublen/ so wel in d' eerste als de laetste troublen/ alterationen en beroerten gevallen/ wie ooc die onder de belegheringe der Stadt Groeningen jeghenwoordelijck geschiet/ tot wat plaetsen en manieren dat het oock sy soo int generael als particulier (so binnen als buyten/) sullen wesen zijn en blijven vergheven en vergeten en gehouden als niet geschiet/ sulcx dat tot geenen tijde eenich vermaen/ mentie/ molestatie/ actie of ondersoek met rechte/ oft buyten rechte daeromme gedaen/ gemaect/ oft yemant te laste geleyt sal mogen worden/ op pene/ dat de contrabenteurs geresputeert/ gheacht ende ghestraft sullen worden als perturbateurs ende verstoorders vander ghemeeene ruste ende vrede.

ij.

Sullen die vande Magistraet en ingesetene van Groeningen aennemen ende beloven/ ghelijck sy aennemen en beloven by desen/ hen in de Onie vande generale Nederlandtsche Provincien te reynieren/ en die Heeren Staten generael der selver geuniceerde Provincien aenhangen/ gelijck en getrouwe te zijne. En dat dien volgende die van Groeninge als een medelidmaet neffens den Provincie malcander als goede bontgenooten/ in goeder trouwen en onghewepndelijcker vaste en onverbreekelijcke vrientschap onder malcander onderhouden sullen/ en in allen tijden ende in allen occurrentien malcanderen bijstaen/ om te wederstaen/ daer wt te houden en verdragen alle de Spaigniaerden en heere adherenten/ gebuyet en gepoocht hebbende/ boven alle recht/ redene en billichheit den onderlaten te verdrucken ende te verderuen/ en die selve te pueren van alle heere welbaert/ en in een ewighe slavernie/ servitude en armoede te brengen ende te houden.

A 2

Item

iiij.

Item sullen die van Groeninge lafcrechts en onberoort zijn en blijven in alle heure Privilegien/ Liberteyt/ Rechten ende Vrijheden.

iiij.

Item sullen Stadt ende Ommelanden int compareren en stemmen inde Generaliteyt met alle het ghene daer aen sal mogen dependeren/ hen reguleren/ na tghene bijde Heeren Generale Staten met goede kennisse van saken ghedecideert en verclaert sal worden.

v.

Dat mede de Welghebozene Heer Graue Wilhem Lodewijck van Nassau/ als Stadthouder en Gouverneur der Stadt Groeninge ende Ommelande/ luyt de Commissie der Heeren generale Staten/ erkent/ aengenomen en ontfangen sal worden. Doch dat het different tusschen der Stadt Groeninge gheresen/ en soo noch soude moghen rijzen. Zal staen tot determinatie ende dispositie vanden Heeren Staten generael ofte heure ghecommitteerde.

viij.

Item dat binnen de Stadt Groeninge/ en landen geen ander Religie ghe-exerceert sal worden dan die ghereformeerde Religie/ sulcx als die tegenwoordelick inde ghebnieerde Provincien openbaerlick ghe-exerceert wort. Mits dat niemant in zijn conscientie ofte gewissen sal worden gheinjureert/ ondersocht ofte beswaert En dat alle de Cloosters/ gheestelicke/ ende Cloosters goederen/ sullen in tegenwoordigen staet blijven/ tot dat byde Heeren Staten Generael/ den staet vander Stadt Groeninge en Ommelanden/ behoorlick gheredresseert sal zijn. Mits dat aldan byde Provincie zelfs op het gebuyt der goederen en onderhout vande gheestelicke personen behoorlick ordie sal worden ghestelt. Welverstaende dat soo wel de Commanderien/ van Wozsum/ Wiertwert/ ende Oisterwicrom aengaet dat die sullen ghehouden ende ghetracteert worden als ghelijcke Commanderien inde ghebnieerde Provincien ghelegghen zijnde.

vij.

Ende dat tot verskertheyt der Generaliteyt en vander Stadt/ oock tot verhoedinghe van alle onlust oft tweedracht tusschen die borghers en inwoonders/ die van Groeninge sullen innemen/ vijf oft zes vander Generaliteyts Compagnien voerbolcx/ diemē met advies vanden Magistraet/ tot minste quetsinge vande borgheren ende inwoonderen sal accommoderen oft met logijsgelt versien ende dat op sulcken boet/ als naderhant by zijne Gen. tusschen de Stadt ende landen sal moghen gheacordeert ende ghebonden worden.

Ende

viij.

Ende aengaende het demolteren vande Forten / sal gheschieden nae gelegenheyt en by heimisse en adven vande Heeren Staten Generael.

ix.

Dat de Stadt Groeningen niette ommelanden / sullen int inwilligen der Generale Middelen en contributien / tot stuer vande gemeene sake hen conformeren ende ghelijck maken / naer advenant vande andere ghebnieerde Provincien.

x.

Item dat van alle d'omslagen ende contributien / tot noch toe wtgeschreuen / omgeslagen ende ontfangen oock vande Domeynen daer van gerekent is / die Rekeninge voor goet sal worden gehouden. Ende daer van niet gerekent is / sal Rekeninge worden gedaen / voorde oude Heeren / mits datse hen van gheenen voorderen ontfanck van eenige restancen / sullen onderwinden.

xj.

Item dat allen den wtgewekenen vander Stadt Groeninge en ommelanden oft heuren erfghenamen. Wederomme gherestitueert ende toeghelaten sullen worden in heure goederen / niet veralieneert zijnde / mits dat onderlinghe ciuilitiept sal worden ghebruyct.

xij.

En aengaende die vercochte of veralieneerde onroerende goederen / het zij voor schulden / oft wtgaende lasten / als mede de geconfisqueerde goederen / oft andersins / sal den gheminteresseerden weder aen hem moghen crighen de selve vercochte goederen / mits by hem binne den tijt van vier jaren de selve lossende voor hen selfs ende betalende den coopschap aenden coopere / metten renten van dien / daer aen afslach / streeckende de pachten byden cooper ontfanghen. Ende soo in desen wel eenighe zwaricheyt mochte vallen / sal selve staen ter decisie vanden ordinaris competenten Rechtere.

xij.

Item sal een yeder burgher oft inghesetene der Stadt Groeningen Gheestelijck oft Weerlijck by staen omme binnen der Stadt te blijven / oft op andere steden / landen ende plaetsen / die neutrael zijn / na zijnen geballe te mogen vertrecken / ende zijne residentie te nemen / in sulcken ghevalle heure propre en eygen goederen ghemietende / mits datse hen niet en sullen mogen begheben inteter woone aen des vpancs zijde.

xij.

Sullen mede ondee desen Tractate begrepen zijn / alle wttheemische personen van wat qualiteyt oft nacie die mogen zijn / hen tegenwoordelijck

delijck

belijck binnen der Stadt Groeninge onthoudende/ om binnen de selve
Stadt heure woonplaetse te moghen continueren/ mits doende Eedt
van ghetroouwicheyt/ ofc in andere neutrale plaetsen te vertrecken.

xb.

Insulgelijcken wat Rentebrieven/ versetbrieven/ pachtbrieven/ schul-
den/ lasten ende swaricheden/ van Abten/ Prelaten/ Geesteliche persoo-
nen/ soo wtlandtse als inlandtse/ in dese troublen binnen der Stadt
Groeningen gheweken/ tot heure alimentacie en onderhout ghemaect
ende aengelept zijn/ sal staen tot decisie vanden Staten oft Magistra-
ten vanden Provincien oft steden/ daer onder de Corpora vanden stif-
ten ende Cloosteren ghelegen zijn/ onnue met kennisse van saken daer
inne te doen als naer Recht ende Justicie bevonden sal worden te be-
hooren.

xbj.

Sullen oock de Ghelanten der Stadt Groeninghen tot Byzessel met
heiren dienaren ende goederen/ in desen verdrach/ besloent ende begre-
pen zijn/ mits incomende binnen drie maenden.

xbij.

Item sullen die burgers die gheduerende dese belegheringe geban-
ghen moge zijn/ gerelareert worde/ mits betalende heure rantsoenen.

xbij.

Item sal des stades regieringe bestaen byde Magistraet/ des wort
verstaen/ dat de Magistraet ende ghelwozen gemeente voor dese reyle
by zijne Ex^{te}. ende Gen. met advis vanden Rade van State sal wor-
den ghestelt. Ende dat voort aende verkielinghe vande Magistraet/
sal gheschieden volghens het oude ghebruyck. Mits dat inde plaetse
van het verdeelen vande boonen/ zijne Ge. als Stadthouder byf van
den vierentwintich gelwozen ghemeente/ sal moghen eligeren/ die al-
dan sullen procederen tot verkielinghe vande Magistraet/ volgens den
ouden ghebruyck.

xix.

Item salmen in conformite van d' Wyte/ die Stadt Groeninghen en
Ommelanden/ sonder huer gemeyn consent en bewillinge aen geenem
Coninghen/ Fursten/ oft Heeren/ steden oft Landen transporterem oft
ouerbraghen/ noch de Stadt met gheen Casteel beswaren.

xx.

Item sullen die vande Magistraet/ die burgheren ende inwoonde-
ren van Groeningen/ aende Generaliteyt doen den behoorlijcken eede
van ghetroouwicheyt/ soo alle andere ghereducerde steden hebben
ghedaen.

Item

Item sullen alle proibitiën t'op van ghelt/ammunitiën van Oorloge/
Wijzen/ Gescht ende andersins van wegghen den Coninc van Spai-
gnien/in Groeninghen gheschiet/oft hem toecomende/oft andersins/
gheduerende dese Oorloge/daerinne ghecomen/ ouergelevert worden
aende Generaliteyt oft heere ghecommitteerde.

Item dat het Crijchsvolck vanden Con. van Spaignien/ sal wter
stade Groeninghen ende het Schuytendiep verrecken.

Aldus ghedaen ende gheresolueert int Legher voor
Groeninghen. Geteekent en gheschiet by
zijne Ex^{te}. den 22. Julij 1594.

Accoort ghearresteert ende ghesloten tusschen
zijne Ex^{te}. ende den Ouersten Lieutenant Lauckema / met
de Capiteynen/ Bevelhebberen ende ghemeene soldaten in
Garnisoene wesende binnen Groeninghen.

I.
In den eersten dat den voorsz Ouerste Lieutenant
met allen Capiteynen ende Soldaten (wtghenomen de ouerloos-
pers die op dese zijde ghedient hebben) heurlieder Wijven/tros en
bagaigien/ by ende onverhindert van penants/ met henne volle
gheweer/ wt de stadt Groeninghen en heere Legher-plaetse sullen
trecken / sonder datmen heere personen oft goederen met eenich arrest sal mo-
ghen beletten / Behoudelijck alleen/ datse hare Vendels aen zijne Ex^{te}. sullen
ouerleveren/ Ende datse voorts by ende beplich ghelepdet sullen worden/ ouer
de Dienste/totten heere Stadthouder Verdugo / ter plaetse daer de selue met
zijn Legher bevonden soude moghen worden te liggen / ende van daer ouer den
Rijn. Met beloften datse op dese zijde des Rijns / in drie maanden niet en sul-
len dienen.

2. Dat zijne Ex^{te}. tot bevoorderinghe van alle bagaigien/vrouwen en kin-
deren/ cranchen en gewonden die eenichsins den wech te draghen/ sullen connen
ghebruycken/bestellen sal laten tachtentich wagens die henlieden sullen dienen/
ende voeren ter plaetsen voorsz met eenigen Commissaris en verskiet conboy/
die zijne Ex^{te}. gelieven sal te committeren/om t'voorsz Crijchsvolck/wijven en
kinderen/mette bagaigien beplich te ghelepden en te conboyeren tot Otmaer-
sum/oft ten versten tot Oldenzeel. Ende sal den Ouersten Lieutenant Laucke-
ma ghewonden zijn eenen Capiteyn alhier in Ostagie te laten / tot dat de voorsz.
wagens wederom ghecomen sullen wesen.

3. Dat

3. Dat alle ghewonde Capiteynen/Bevelhebberen en soldaten/die vermits heure quetsuren en crancheden den wech te waghen niet en sullen comen ghescheyden/naer dat sy tot tameliche ghesontheyt sullen gecomen wesen met verscherde Passepoort toeghelaten sal worden/ naer heure Vondelen Wederomme te keeren sonder verhinderinghe van penant/ware dan te water oft te lande.
4. Dat den Capiteyn Wijngaerden / zijne costen betaelt hebbende / sonder eenich rantsoen terstont vry ende los ghelaten sal worden so oock alle soldaten/zoetelaers ende waghenlyden van desen Legher inde stadt ghevanghen.
5. Dat alle goederen vanden heere Stadthouder Verdrigo/wesende binnen der stadt Groeninghen/ vry en veplich sullen mogen passeren/en gevoert worden ter plaetse daer den ghenen daer van last hebbende/bebinden sal te behooren/ oft oock inde voorszede stadt bliuen in verskertheyt / tot dispositie vanden heere Stadthouder.
6. Dat alle Heerden ende Vagaigien toebehoorende den Officiers vanden Co. van Spaignien/hier niet wesende/vry ende veplich sullen passeren / en metten Crighsluyden gheleyt worden.
7. Dat alle inwoonders teghenwoordelick heure residentie binnen Groeninghen houdende/ van wat nacie oft conditie die mogen wesen / tse Officieren oft andere niemant wtghesondert/ so Gheestelijck metten beuden Paters/ Jesuïten/als andere weerliche personen/met heuren vrouwen/kinderen/familie en leure bphebbende leuende have ende goederen/ die metten Crighsliden sullen willen vertrecken/ghelijck gheleyde in alles/ghelijcke vryheyt en veplicheyt/als boven sullen ghenieten.
8. Ende soo verre penant vanden voorsz. inwoonderen/tse mans oft vrouwen we personen deur behinderinge van heure saken ende affairen / metten voorsz. Crighsluyden niet en conden vertrecken/dat den selven sal vergunt worden/den tijt van zes maenden/te rekenen van date van dit accoozt/ Binnen welcken tijt/ sy alhier vry ende veplich sullen mogen wesen ende bliuen/heure nootliche ghescheften verhandelen en verrichten/ en daer na met heure bphebbende goederen ende familien/vertrecken/te water oft te lande/ter plaetsen daer hen ghelegghen sal wesen.
9. Dat den ouersten/Lieutenant ende Hophuyden / metten Bevelhebberen ende gheineene soldaten (dit accoozt ghesloten wesende)terstont ende sonder langher wtstel/wt de stadt Groeninghen en Schuytendiep sullen vertrecken.

Ghedaen in Legher vooz Groeninghen/onder de handt ende Cachet van zijne Ex^{te}. Den xxij^{en}. Julij 1594. Ende ghe-effectueert den xxij^{en}. daer naer.



bermits
nen ghe
net ver
romme
lande.
/sonder
loaten/
n.
binnen
worden
zen/oft
n heere
vanden
en met

Groe
icieren
s/Je
amilie
sullen
pt/als

vrou
door
n/den
n tijt/
e ghe
deren
eghen

beren
r lair